

S25/48

4425

寒温條辨



文祖正訂寒溫條辨卷五

心悸

悸者、心中築築然動、怔忡不安也、傷寒心悸之由、不過氣虛停飲兩端、氣虛由陽氣內弱、心下空虛、正氣內動而爲悸也、小建中湯、甚則大建中湯、或人參三白湯、脈沉心悸、頭眩身瞤振、眞武湯、停飲由水停心下、心屬火而惡水、水既內停、心不自安而悸、茯苓甘草湯、或五苓散分利之、脈結代心動悸、炙甘草湯、又發汗過多、其人必叉手冒心、心悸喜按、桂枝甘草湯、甚則炙甘草湯、又發汗過多、心液虛耗、臍下悸者、欲作奔豚、腎乘心虛上凌而尅之故動惕於臍間、茯苓桂枝甘草大棗湯、寒熱心悸、



小便不利、心煩喜嘔、小柴胡湯、心神不寧、怔忡不寐、硃砂安神丸、若溫病心悸、鬱熱內盛、火性上衝、加味涼膈散、增損黃石膏湯、看兼證消息之、

小建中湯

方見頭痛門

大建中湯

方見發斑門

人參三白湯

方註白虎湯內見裏證門

真武湯

方見陰證門

茯苓甘草湯

方見短氣門

五苓散

方見裏證門

炙甘草湯

方見裏證門



桂枝甘草湯方見小便自利門

茯苓桂枝甘草大棗湯

太陽病發汗過多，臍下悸者，欲發

奔豚此方主之

汗多心液耗散腎乘心虛上凌而尅之故動陽於臍間

白茯苓六錢 桂枝三錢

甘草

炙一錢五分

大棗三枚

水煎溫服

甘爛

茯苓淡滲伐腎以散水蓄，甘草益氣和中，以補陽虛，桂枝走

陰降腎，禦奔豚之未至，大棗益脾助土，制奔豚之上衝，

小柴胡湯方見裏證門

加味涼膈散方見裏證門

增損三黃石膏湯方見裏證門



瘛

瘛者、如角弓反張也、以胃爲總筋、筋急而縮之、故由於濕生熱、熱生痰、痰生風、風火彌盛、木勝尅土、筋不能榮、輕則懶惕、癱瘓、手足戰掉、重則鼻煽目直、頭折臂反、在傷寒以六一順氣湯下之、在溫病以加味六一順氣湯下之、蓋瀉土所以瀉木也、若傷寒有不可下者、以四物湯合桂枝湯、加黃連吳茱萸炒黃芩、防風鈎藤、鈎則血和、風火自滅也、

加味六一順氣湯

方見陽證似陰門

六一順氣湯

方見陽證似陰門

四物湯 方見頭目眩門

桂枝湯方見裏證明

肉瞤筋惕

瞤者肌肉蠕動惕者筋脈動跳也此因發汗攻下太過邪熱未解血虛氣奪筋肉失其所養故惕惕而跳動也凡傷寒惕瞤兼肢冷者真武湯輕者桂苓甘朮湯汗下後虛極而惕瞤者人參養榮湯大建中湯汗下後虛極煩而不得眠惕瞤者加味溫膽湯若不經汗下而肉瞤筋惕潮熱來尤甚大便必結小便赤滿以手按臍旁硬痛此燥糞也大柴胡湯加芒硝如初病便見肉瞤筋惕必先元氣虛損或失血房室勞役及新產崩漏致有是證人參養榮湯若誤用表藥必無生理倘



不詳辨寒熱虛實而欲治之無差難矣若溫病而見惕瞤之證此陽明火毒陷入厥陰陽明主暱宗筋燔灼津液弗榮而動加味六一順氣湯解毒承氣湯消息治之設有虛而惕瞤者必入四損不可正治之條一實一虛其脈證畢竟有辨隨證變治全賴醫者活法耳

真武湯

方見陰證門

桂苓甘朮湯

方見頭目眩門

人參養榮湯

方見頭目眩門

大建中湯

方見發斑門

加味溫膽湯

方見不眠門

大柴胡湯方見表裏兼證門

加味六一順氣湯方見陽證似陰門

解毒承氣湯方見陽證似陰門

舌捲囊縮

扁鵲曰舌捲囊縮者死、然在古人雖曰死證、亦不可不盡心以救之、但有因熱極而捲縮者、有因寒極而捲縮者、要在詳細辨之、凡熱極者宜下、傷寒從三陽、熱證傳至厥陰而見此證者、乃肺氣燔灼、水受火困、而不得舒縱、訥菴云、陽明之熱、陷人厥陰、陽明主潤宗筋、宗筋爲熱所攻、弗榮而急、引舌與畢丸爲熱急危殆之候、男子則囊縮、婦人則乳頭縮、如脈實

便秘口渴煩滿之極六一順氣湯加黃連若溫病邪入中焦
流佈上下以致肺肝受傷水不勝火陰不敵陽筋脈弗榮故
有此證加味六一順氣湯或解毒承氣湯凡寒極者宜溫傷
寒始病無熱惡寒便厥逆無脈而見此證乃厥陰虛寒內則
經血失養而引急不舒外則肢體蹇曲而下部不溫乃肝氣
垂絕之候急用四逆湯加人參肉桂吳茱萸溫之並灸關元
氣穴及葱熨法溫病無陰證

六味順氣湯

方見陽證似陰門

加一六一順氣湯

方見陽證似陰門

解毒承氣湯

方見陽證似陰門

四逆湯方見陰證門

循衣摸床

華陀曰傷寒循衣摸床者死傷寒論曰傷寒若吐若下後不解不大便五六日至十餘日日晡潮熱不惡寒獨語如見鬼狀若劇者發則不識人循衣摸床惕而不安微喘直視脈滑者生瀋者死微者但發熱譫語大承氣湯主之若一服利止後服又曰傷寒手足燥擾捻衣摸床小便利者其人可治可見此證非大實即大虛但參其證審其音察其脈而分治之實而便秘大承氣湯虛極熱極不下必死者黃龍湯虛而便滑獨參湯厥逆加附子若亡血者又當用生地黃連湯大抵



陰陽二氣將絕者則妄言撮空也。婁全善曰：嘗治循衣摸床數人，皆用大補氣血之劑，一人兼瞶振脈代，遂於補劑中加肉桂，強亦振止，脈和而愈。汪訥菴曰：妄言撮空，有因氣虛陽脫而然者，皆宜用參附補劑。兩說確有至理。若溫病陽明邪熱亢閉，上乘心肺，致令神志昏憤，多有撮空之證，宜解毒承氣湯下之，如火盛精枯，用熟地一兩歸身七錢山藥五錢煎湯入前藥煎服，每收奇功。若久病神昏，氣血陰陽四損者，當從婁汪之說而消之。

大承氣湯

方見陽證似陰

黃龍湯

方見發狂門

生地黄連湯 治男婦血風證此去血過多因而燥涸循衣撮空錯語失神脈弦浮而虛者加人參二錢更妙陽生陰長之意也

生地酒浸一分當歸酒蒸一分白朮酒炒一分川芎一錢五分黃連

錢五分酒炒一梔子薑汁炒黃芩酒炒防風酒潤二錢五分水煎

溫服 脈實加大黃瀉

陶氏曰大承氣湯氣藥也自外而之內者用之生地黄連湯血藥也自內而之外者用之氣血合病循衣摸床證同自氣之血血而復之氣者大承氣湯主之自血之氣氣而復之血者生地黄連湯主之二者俱不大便此是承氣湯對子又與



之黃石膏湯相表裏皆三焦包絡虛火之病也病既危急只
得以此降血中之伏火耳 綱目曰四物湯與桂枝麻黃湯
根柴胡青龍白虎涼膈承氣理中四逆吳茱萸附子等湯皆
可作各半湯服之此易老用藥大畧也
解毒承氣湯方見陽證似陰門

煩燥

煩者心不安而擾擾心胸愠怒如有所解外不見形爲熱尙
輕燥者身不安而憤亂手足動掉若無所措內外不寧爲熱
最劇凡傷寒表邪熱甚脈浮緊不得汗出而煩燥者大青龍
湯大熱錯語呻吟乾嘔不眠煩燥脈數者黃連解毒湯或竹

葉石膏湯內有燥糞、繞臍腹痛、煩燥調胃承氣湯誤汗、誤下
病仍不解、煩燥者、茯苓四逆湯、脈必沉細、乃可用之、少陰病
身微熱、脈沉細、手足厥而煩燥者、四逆湯、面赤者、加葱白若
無脈、乾嘔煩燥者、白通加人尿猪膽汁湯、少陰病吐利、厥逆
煩燥欲死者、吳茱萸湯、少陰病下之後、誤下傷陰復發汗、誤汗傷陽晝
日煩燥、陽虛生煩夜而安靜、可微裏寒不嘔不渴、可微無實熱無表證
裏不痛脈沉微、微則陽虛身無大熱者、陽微乾薑附子湯、凡
陰極發燥、欲坐井中、或投沉水中卧者、厥逆脈沉微、一息七
八至、按之則無、但欲飲水不得入口、此陰盛格陽、氣欲脫而
爭、譬如燈將滅而暴明矣、乾薑附子湯加人參以接真陽之

氣或可救療。一方以艾湯調服。硫磺末二錢。翌時汗出乃愈。
若溫病表裏三焦大熱。渴欲引飲。煩燥不安。多現奇怪不測
之狀。增損三黃石膏湯。增損雙解散。升降散。三方並爲對證
之劑。予每隨證用之。救壞病而得生者。若許人真希世之珍
也。其共寶之。大抵不經汗下而煩燥者。爲實汗下後燥。煩爲
虛。內熱曰煩。謂心中鬱煩也。乃爲有根之火。故大煩不燥。爲
可治。外熱曰燥。謂氣外熱燥也。乃爲無根之火。故但燥不煩
爲不可治。經論少陰病有曰。四逆惡寒脈不至。不煩而燥者
死。煩與燥可治。不可治。判然矣。凡結胸證。悉具燥煩者。死。發
熱下利。脈逆燥不得眠者。死。少陰吐利。煩燥四逆者。死。煩燥

爲有常之病復有不治之證傷寒溫病皆然臨病之工當詳
細辨之

大青龍湯方見裏證門

黃連解毒湯方見陽證似陰門

竹葉石膏湯方見不眠門

調胃承氣湯方見裏證門

四逆湯方見陰證門

白通加人尿猪膽汁湯方見陰證門

吳茱萸湯方見頭痛門

乾薑附子湯方見咽痛門

寒溫條辨

卷五

煩燥



北京中医药大学图书馆藏

增損三黃石膏湯

方見裏證門

增損雙解散

方見陽毒陰毒門

升降散

方見陰證似陽門

懊懣

懣即惱字
古人通用

懊懣者鬱鬱然不舒憤憤然無奈比之煩燥而更甚也凡傷寒發汗吐下後虛煩不得眠劇者反覆顛倒心中懊懣與陽明病下之其外有熱手足溫而不結胸心中懊懣饑不能食但頭汗出二者爲邪熱鬱於胸中須梔子鼓湯吐之以瀉其結熱也陽明病下之心中有懊懣不煩懣胃中有燥糞與陽明病無汗小便不利心中懊懣者必發黃二者爲邪熱結於胃中

